

Ո Ր Ո Շ ՈՒ Մ թիվ - 145
վարչական տույժ նշանակելու մասին

«20» ապրիլի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Նաղեժդա Հովսեփի Զաքարյանի վերաբերյալ նյութերը՝

Պ Ա Ր Զ Ե Ց Ի՝

2022 թվականի հոկտեմբերի 27-ին ՀՀ ՊԵԿ Մաքսանենգության դեմ պայքարի վարչության Զվարթնոց բաժնի աշխատակիցները Հյուսիսային մաքսատուն-վարչության Բավրայի մաքսային կետ-բաժնի մաքսային հսկողության գոտում հսկողության են ենթարկել Նաղեժդա Զաքարյանի ուղեբեռը, ինչի արդյունքում ուղեբեռում հայտնաբերվել է չհայտարարագրված 98 հաբ «Prabex 20 mg», 410 հաբ «Budesonid 400 mg» և 410 հաբ «Formoterol Fumarat» գրառումներով դեղորայք:

Փաստի առթիվ Նաղեժդա Զաքարյանի նկատմամբ ՀՀ մաքսային կարգավորման մասին օրենքի 316-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքը, որպես իրավախախտման անմիջական օբյեկտ, վերցվել և ի պահ են հանձնվել ՊԵԿ ՄԴՊ վարչությունում:

Վարչական վարույթի ընթացքում Նաղեժդա Զաքարյանը բացատրություն է տվել այն մասին, որ 2022 թվականի հոկտեմբերի 27-ին Թուրքիայից ՀՀ վերադառնալիս իր հետ տեղափոխել է «Prabex 20 mg» տեսակի 14 լիստ յուրաքանչյուրում 7 հատ, 41 լիստ «Budesonid 400 mg» և 41 հատ «EXTRAIR 12 mg» տեսակի դեղորայք: Բավրայի մաքսային կետ-բաժնում ՊԵԿ մաքսանենգության դեմ պայքարի վարչության աշխատակիցները զննման են ենթարկել իր ուղեբեռը, որում հայտնաբերել են վերոնշյալ դեղերը: Հայտնել է, որ իր հասանելիք դեղորայքը վերադարձվել է վերջինիս, իսկ մնացածի վերաբերյալ կազմվել է արձանագրություն:

04.11.2022թ. նշանակվել է Նյութագիտական և ապրանքագիտական համալիր փորձաքննություն, որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:

27.12.2022թ-ին որոշմամբ Նաղեժդա Զաքարյանի վերաբերյալ վարչական վարույթի ժամկետը երկարաձգվել է՝ մինչև փորձագիտական եզրակացության ստանալը:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 17.03.2023թ. թիվ 18762205 եզրակացության համաձայն՝ փորձաքննությանը ներկայացված վերոնշյալ դեղերից 1 հատի շուկայական արժեքը 2022 թվականի հոկտեմբերի 27-ի դրությամբ կարող էր կազմել ընդհանուր՝ 29560 ՀՀ դրամ:

Պարզելու համար, թե՛ որքան է կազմել վերոնշյալ դեղորայքի մաքսային արժեքը՝ 04.04.2023թ-ին թիվ Ն/11-3/56964 գրությամբ հարցում է կատարվել ՊԵԿ մաքսային հսկողության վարչություն, որտեղից ստացված թիվ Ն/8-2/62113 պատասխան գրության համաձայն՝ 17.03.2023թ. թիվ 18762205 եզրակացությունում նկարագրված ապրանքի մաքսային արժեքը 2022 թվականի հոկտեմբերի 27-ի դրությամբ կկազմի ընդհանուր՝ 24632 ՀՀ դրամ: Միաժամանակ հայտնվել է, որ ԵՏՀ կոլեգիայի 21.04.2015թ. թիվ 30 որոշման 2.14 կետով սահմանված սահմանափակումների ենթակա ապրանքների միասնական ցանկի և ՀՀ կառավարության թիվ 202-Ն առ 28.02.2019թ. որոշման համաձայն՝ վերը նշված ապրանքները ոչ ԵԱՏՄ անդամ երկրներից ներմուծելու դեպքում առաջանում է ոչ սակագնային կարգավորման միջոցների կիրառում:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն

իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Միաժամանակ հայտարարագրումն իրականացվում է գրավոր կամ էլեկտրոնային եղանակով:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգով ձևակերպվող ապրանքների հայտարարատուներ կարող են հանդես գալ անդամ պետության անձը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքերը միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»:

ՀՀ կառավարության 28.02.2019թ. թիվ 202-Ն որոշման 4-րդ կետի համաձայն՝ դեղագործական արտադրանքը ՀՀ է ներմուծվում ՀՀ առողջապահության նախարարության կողմից տրված ներմուծման հավաստագրի հիման:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»:

Դեղորայքն ընդգրկված է ԵՏՀ կոլեգիայի 21.04.2021թ թիվ 30 որոշմամբ սահմանված սահմանափակումների ենթակա ապրանքների միասնական ցանկում (կետ 2.14):

ԵԱՏՄ մաքսային օրենսգրքի 12-րդ հոդվածի 3-րդ մասի համաձայն՝ միության մաքսային տարածք ապրանքների ժամանման կամ Միության մաքսային տարածքից ապրանքների մեկնման ժամանակ համապատասխան արգելքների եւ սահմանափակումների չպահպանման դեպքեր հայտնաբերելու դեպքում մաքսային մարմինը որոշում է ընդունում Միության մաքսային տարածք ապրանքների ներմուծումը կամ Միության մաքսային տարածքից ապրանքների արտահանումն արգելելու մասին և դրա մասին տեղեկացնում է փոխադրողին, իսկ նրա բացակայության դեպքում՝ Միության մաքսային տարածք ապրանքների ներմուծման կամ Միության մաքսային տարածքից ապրանքների արտահանման պահին այդ ապրանքները տիրապետելու, օգտագործելու և (կամ) տնօրինելու իրավունք ունեցող անձին:

ԵԱՏՄ մաքսային օրենսգրքի 12-րդ հոդվածի 4-րդ կետի համաձայն՝ արգելքների եւ սահմանափակումների պահպանումը միության մաքսային սահմանով ապրանքներ տեղափոխելիս, միության մաքսային տարածք ապրանքների ներմուծումն արգելելու մասին մաքսային մարմնի որոշումն ստանալուց հետո միության մաքսային տարածքից անհապաղ

արտահանելու անհնարինության դեպքում այդպիսի ապրանքներն արգելանքի են վերցվում (արգելապահվում են) մաքսային մարմնի կողմից՝ սույն Օրենսգրքի 51-րդ գլխին համապատասխան:

ԵԱՏՄ մաքսային օրենսգրքի 84-րդ հոդվածի համաձայն՝ Հայտարարատուն պարտավոր է՝ կատարել ապրանքների մաքսային հայտարարագրում. սույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր. ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով. վճարել մաքսային վճարները, հատուկ, հակազնագցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան: Նույն հոդվածի 3-րդ կետի համաձայն՝ Հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 316-րդ հոդվածի 4-րդ պարբերության համաձայն՝ ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի քսան տոկոսի չափով, բայց ոչ պակաս, քան երեսուն հազար դրամի չափով:

Նադեժդա Զաքարյանը 2023 թվականի ապրիլի 20-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս չի ներկայացել գործի քննությանը:

Այսպիսով, նյութերով պարզվել է, որ 2022 թվականի հոկտեմբերի 27-ին Նադեժդա Զաքարյանը ՀՀ մաքսային սահմանով առանց հայտարարագրման տեղափոխել է 24632 ՀՀ դրամ մաքսային արժեքով դեղորայք (որի 20%-ը կազմում է 12316 ՀՀ դրամ), որն առաջացնում է ոչ սակագնային կարգավորման միջոցների չկիրառում, այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 316-րդ հոդվածի 4-րդ պարբերությամբ նախատեսված մաքսային կանոնների խախտում, ինչը հիմնավորվում է մաքսային կանոնների

խախտման վերաբերյալ արձանագրությամբ, 27.10.2022թ թվականի մաքսային զննման ակտով, ՀՀ «Փորձագիտական կենտրոն» պետական ոչ առևտրային կազմակերպության փորձագետի 17.03.2023թ. թիվ 18762205 եզրակացությամբ, ՊԵԿ մաքսային հսկողության վարչության 11.04.2023թ թիվ Ն/8-2/62113-2023 գրությամբ և Նաղեժդա Զաքարյանի բացատրությամբ:

Վերոգրյալի հիման վրա և ղեկավարվելով «Մաքսային կարգավորման մասին» ՀՀ օրենքի 316-րդ հոդվածով, 334, 335-րդ հոդվածներով,

Ո Ր Ո Շ Ե Ց Ի՝

1. Նաղեժդա Զաքարյանին (Հասցե՝ ՀՀ, ք. Երևան, Սունդուկյան 28ա, բն. 23, անձնագիր՝ AP0322545) ճանաչել զանցառու «Մաքսային կարգավորման մասին» ՀՀ օրենքի 316-հոդվածով և նրան տուգանել 30000 ՀՀ դրամի չափով:

/վճարումը 900005024055 հաշվեհամարին, կողմ՝ 19/

2. Չհայտարարագրված «Prabex 20 mg», 98 հաբ, «Budesonid 400 mg» 410 հաբ, «Formoterol Fumarat» 410 հաբ և 4 թիթեղ «Singulair 10 mg montelukast sodium, MSD» դեղորայքը վերցնել արգելանքի:

3. Որոշման մասին հայտնել Ն. Զաքարյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ